



Sámi allaskuvla
Sámi University College

OAHPPOPLÁNA

Boazodoallorievtti vuodđooahppu

10 oahppočuoggá

1. OAHPPOOVTTADAGA NAMMA

Sámegillii: Boazodoallorievtti vuodđooahppu
Dárogillii: Reindriftréttslig introduktionskurs
Engelagillii: Introduction on Reindeer Herding Rights

2. OPPALAŠ DIEĐUT OAHPU BIRRA

- **OAHPPOVTTADAGA KODA:** BOA 105
- **VIIDODAT:** 10 oahppočuoggá
- **OAHPU LÁGIDEAPMI:** Oahppu lágiduvvo oahppobáikkis Sámi Allaskuvllas ja vejolaččat geabbilis oahpahussan.

3. OAHPPOPROGRÁMMA GULLEVAŠVUOHTA

Oahppu lea oassin boazodoallooahpuid bacheloras, ja sáhtá maid leat oassin eará bacheloroahpuin.

4. SISABEASSANGÁIBÁDUSAT

Dábálaš sisabeassangáibádusat alitoahpahussii. Sisabeassanvuodđu sáhtá leat juogo oppalaš lohangelbbolašvuolta (čadahan joatkkaskuvlla/logahaga/gymnása) dahje reálagelbbolašvuolta. Lassin galgá sámegiela máhttu vuosttaš- dahje nubbingiellan joatkkaskuvllas dahje vástideaddji (omd. sámegiela lohkanbadjeoahppu). Studeanttas lea maid vejolašvuolta duođastit iežas sámegiela lohangelbbolašvuoda sierra giellageahččaleami bokte.

5. OAHPAHUSGIELLA

Oahpahusgiellan lea dábálaččat dáro- ja sámegiella. Oahpahus sáhtá leat maiddá engelagillii.

6. SISDOALLU

Oahppu addá obbalaš ipmárdusa dain fáttáin:

- Sámi vuoigatvuodát eatnamiidda ja čáziide, gillii ja oahpahussii, ja dasa lassin politihkalaš váikkuheapmi ja daid vuoigatvuodaid historjjálaš duogáš ja sajádagat riektivuogádagas
- Juridihkalaš bargometoda, riektegáldot, láhkadulkomat ja riektivuogádat, ja siviilariecti ja almmolašriehti, sisriikka- ja gaskariikkalaš riekti
- Boazodoalloláhka ja eará riektegáldot boazodoallorievttis
- Finnmárolága doaibma ja mearkkašupmi
- Mearrasámi vuoigatvuodaságastallamat
- Sámeláhka ja eará riektenjuolggadusat sámegiela birra
- Sámeláhka ja eará riektenjuolggadusat politihkalaš váikkuheami birra, Sámedikki ja konsulterenšiehtadusa bokte
- Sámi riektehistorjá ja boazodoallorievtti historjá
- Gaskariikkalaš rievtti mearkkašupmi sámiide ja boazodollui
- Obbalaš dieđut boazodoallorievtti birra sámi ja sirkumpolára perspektiivvas.

Dát oahppu heive bures olbmuide geain lea juogo boazodoalloduogáš dahje boazodoalu vuodđooahppu ja earáide geat barget boazodoalloáššiiiguin.

7. OAHPPANJOKSOSAT

Studeanta galgá:

- dovdat movt riikkarievttit ja internašunála rievttit doibmet ovttas
- máhttit guorahallat ja čilget juridihkalaš materiála, čuoimmaid ja daidda vejolaš čovdosiid juridihkalaš ákkastallamiiguin
- máhttit juridihkalaš hámis ovdanbuktit juridihkalaš bargovuogi vuoduid, das dulkot gullelaš riektigálduid, ja fuobmát ja čoavdit álkes juridihkalaš gažaldagaid sámi- ja boazodoallorievttis

8. OAHPAHAN- JA OAHPPANVUOGIT

Oahppan dáhpáhuvvá logaldallamiid, joavkobargguid, hárjehusaid, semináraid ja bagadallamiid bokte. DGT lea dehálaš reaidu oahpus.

9. GÁIBÁDUSAT BEASSAT EKSÁMENII

Studeanta galgá ovdanbuktit olles studeantajovkui eksámenfáttá ja movt áigu čoavdit eksámenbarggu. Fágaoahpaheadji dohkkeha eksámenfáttá. Studeanttat ožžot bagadallama bargui ja dat galgá šiehtaduvvot ovdagihtii.

10. EKSÁMEN

Njálmmálaš eksámen, mas studeanta ovdanbuktá dohkkehuvvon fáttá.

Árvosánit addojuvvojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán.

Muđui čujuhuvvo Sámi allaskuvlla loahpalaš árvvoštallan- ja eksámennjuolggadusaide.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Studeanta ii sáhte privatistan váldit eksámena.

12. KVALITEHTASIHKKARASTIN

Čujuhuvvo SA kvalitehtasihkkarastinvuogádahkii, ja makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.

13. LOHKANMEARRI

Lohkanmearri sisttisoallá maiddái logaldalli logaldallamiid ja oahppomateriála (láhkateavsttat, konvenšuvdnateavsttat, eará mángejuvvon teavsttat, oktiigeasut jnv.). Studeanta sáhtta ovttasráđiid fágaoahpaheddjiiguin lonuhit lohkanmeari čállošiid. Lohkanmearri lea oktiibuot 545 siiddu.

Bull, Kirsti Strøm (2012). *Jordsalgsreglene og koloniseringspolitikken i Finnmark*, I: Juss i nord: Hav, fisk og urfolk. Gyldendal Juridisk. ISBN 978-82-05-43174-4. Kapittel. s 174 – 197 (23 s.)

Nordisk samekonvensjon, Utkast fra finsk-norsk-svensk-samisk ekspertgruppe, avgitt 26. oktober 2005, s. 98 – 279 (181 s.)

Päiviö, Nils Johan (2007). *Från skattemannarätt till nyttjanderätt – rättsutvecklingen för samerna fram till den första renbeteslagen 1886*, i *Historisk rätt? Kultur, politik och juridik i norr*, Riksantikvarieämbetet, s. 113 – 135 (22 s.)

Skogvang, Susann Funderud. *Samerett. 2. Utgave*, Universitetsforlaget, Oslo 2009 ISBN 978-82-15-01340-4. (302 s.)

Smith, Carsten. *Samiske rettigheter i nordisk perspektiv*. Lov og rett 2006; Volum 6. S. 324 – 341. (17 s.)